



Protocol

Radunonza extraordinara dils 23 da november 2019, allas 20:00 uras a Sevgein

Tractandas:

1. Beinvegni
2. Standarta uniun da tiradurs
Encurir ora maletg e dar credit ca. 2'000.00 Fr.
3. Tir amicabel cun Ladir a Riein (termin)
4. Di amicabel cun Kaisten (organisaziun propostas datums fenadur)
5. Tir Federal a Luzerna datum, nua, annunziar
6. Sera familiara 2020 uniun da dunnas Sevgein
 - a. Tema «Cowgirl & Cowboys grischuns»
 - b. Datum ils 15-02-2020
7. Termin radunonza annunala (11-04-2020?)
8. Varia

1. Beinvegni

Il president Mario Maissen fa in cordial beinvegni als presents e communichescha las perstgisas per la radunonza extraordinara: Jan Cadalbert, Clemens Christoffel, Ladina Christoffel, Roman Christoffel, Claudio Buchli,....

Plinavon ha ei dau ina midada davart la gliesta da tractandas. Vegniu vitier niev ei tractanda 4.

Urban Derungs fa attent sin dus tunnels ch'ei gia dagitg tier el en nuegl.

Ei vegn decidu da tematisar quei tema sut varia.

Sco dumbravusch vegn Urban Derungs elegius unanimamein.

2. Standarta uniun da tiradurs

Encurir ora maletg e dar credit ca. 2'000.00 Fr.

Tier la standarta vegn ei ord motivs da cuosts buc en damonda da schar producir ina standarta da seida. Quei vegness sin cuosts denter 9'000 – 12'000 francs.

Proposta ei da schar far ina standarta sco Versomi. Mario Maissen ha schau far in'offerta dalla firma Roffler a Cuera. Tenor offerta vegness ina standarta sin 1'200 – 1'300 francs (cun maletg ca. 1'600.-). Pertuccont tgei maletg ch'ins vul metter si ha Ramona Maissen mess ensemen entginas propostas.



Ei vegn decidiu che mintgin sa mirar atras igl ordinatur da maletgs e la decisiun vegn prida sut varia.

Reto Christoffel menziuna che la cassa hagi en ca. 36'000.-. Aschia ch'el manegia era da schar far ina standarta, denton buca per 10'000.- mobein tenor l'offerta da Roffler.

Il credit da 2'000.- vegn approbaus unanimamein.

3. Tir amicabel cun Ladir a Riein (termin)

Il termin per il tir amicabel cun Ladir vegn fixaus sin ils 09-05-2020.

4. Di amicabel cun Kaisten (organisaziun propostas datums fenadur)

Per il di amicabel cun Kaisten vegn decidiu da far las suandontas propostas:

18/19 da fenadur e 25/26 da fenadur... Prioritad ha denton ils 18/19 da fenadur 2020

Pertuccont program detagliau vegn mirau ad in temps pli tard.

5. Tir Federal a Luzerna datum, nua, annunziar

Il Tir Federal a Luzerna cuoza naven dils 12-6-20 entochen ils 12-07-20. Mario Maissen fa attent ch'il datum d'annunzia ei ils 15-12-2019. Ils fegls d'annunziar ils stehs etc. vegnan reparti e sche pusseivel gest turnar els suenter la radunonza. Plinavon eis ei da fixar in termin per visitar il Tir Federal. Sche pusseivel tier il stan da sittar Perlen: 1. prioritad 19/20 da zercladur, 2. prioritad 26/27 da zercladur 2020

6. Sera familiara 2020 uniun da dunnas Sevgein

a. Tema «Cowgirl & Cowboys grischuns»

b. Datum ils 15-02-2020

Per il tema cowgirl & cowboys grischuns s'annunzian Julian e Nadja per studegiar ina pintga produenziun ni in giug.

7. Termin radunonza annunala (11-04-2020?)

Il termin dils 11-04-2020 vegn fixaus per la radunonza annuala.

Reto Christoffel fa la proposta da midar quei termin ellas statutas. Ei fuss meglier da saver far la radunonza annuala pli baul.

Ei vegn decidiu da prender quella proposta sin la gliesta da tractandas dils 11-04-2020.

Plinavon ei era vegniu informau ch'ei vegni naven d'immediat adina scret protocol e buca mo alla radunonza annuala.



8. Varia

Erwin Caspescha fa la damonda per ir ils 12 da schaner 2020 egl Appenzell.

Mario Maissen vegn a tarmetter in mail als commembers/allas commembras per mirar tgi che havess interess dad ir a quei til «Chläusla».

Pertuccont la damonda d'Urban Derungs vegn decidiu da far fotis cun quels tunnels da sittar e da scri-ver ora quels. Quels dus tunnels haveva l'uniun da tiradurs Riein Sevgein survegniu da Lumbrein, denton semuossa negin basegns per quels. Cunquei che Urban drova il plaz vegn decidiu che Reto Christoffel scriva ora quels tunnels e Fabian Christoffel contactescha entginas uniuns ella bassa. Forsa ch'enzatgi havess interess vida quels.

Per la standarta ei vegniu proponiu da midar giu ina proposta da maletgs. Mario Maissen ha priu encun-ter las midadas e vegn dar vinavon quellas a Ramona per far ina nova proposta.

Fin dalla radunonza extraordinara: 20:40 uras

L'actuara